



ЎЗБЕКИСТОН RESPUBLIKASI KAMBAFALLIKNI QISQARTIRISH
VA BANDLIK VAZIRINING
BUYRUGI

Таълим муассасаларининг ўқув хоналарида машғулотлар ўтказишда меҳнатни муҳофаза қилиш қоидаларига ўзгартиришлар киритиш тўғрисида

Ўзбекистон Республикасининг “Меҳнатни муҳофаза қилиш тўғрисида”ги ва “Стандартлаштириш тўғрисида”ги қонунларига ҳамда Ўзбекистон Республикаси Вазирлар Маҳкамасининг 2020 йил 11 ноябрдаги 712-сон “Истеъмолчилар электр қурилмаларини техник эксплуатация қилиш қоидалари ва Истеъмолчилар электр қурилмаларини эксплуатация қилишда хавфсизлик техникаси қоидаларини тасдиқлаш тўғрисида”ги қарорига мувофиқ **буюраман:**

1. Ўзбекистон Республикаси меҳнат ва аҳолини ижтимоий муҳофаза қилиш вазирининг 2013 йил 1 мартдаги 14-Б-сон буйруғи (рўйхат рақами 2446, 2013 йил 1 апрель) (Ўзбекистон Республикаси қонун ҳужжатлари тўплами, 2013 й., 14-сон, 189-модда) билан тасдиқланган Таълим муассасаларининг ўқув хоналарида машғулотлар ўтказишда меҳнатни муҳофаза қилиш қоидаларига иловага мувофиқ ўзгартиришлар киритилсин.

2. Мазкур буйруқ расмий эълон қилинган кундан эътиборан кучга киради.

Vazir

Тошкент ш.
2024 йил 30 январь,



Musayev B. A.

Келишилди:

Ўзбекистон Республикаси
қурилиш ва уй-жой коммунал
хўжалиги вазири



Zakirov B. I.

Тошкент ш.
2024 йил 20 февраль,

Таълим муассасаларининг ўқув хоналарида машғулотлар ўтказишда меҳнатни муҳофаза қилиш қоидаларига киритилаётган ўзгартиришлар

1. Муқаддима қўйидаги таҳрирда баён этилсин:

“Мазкур Қоидалар таълим муассасаларининг ўқув хоналарида машғулотлар ўтказишда меҳнатни муҳофаза қилиш тартибини белгилайди.”.

2. 7-банд қўйидаги таҳрирда баён этилсин:

“7. Ўзбекистон Республикаси “Меҳнатни муҳофаза қилиш тўғрисида”ги Қонунининг 12-моддасига мувофиқ, ишлаб чиқариш фаолиятини амалга оширувчи, ходимларининг сони эллик киши ва ундан ортиқ бўлган ҳар бир таълим муассасаларида меҳнатни муҳофаза қилиш талабларига риоя этилишини таъминлаш, уларнинг бажарилиши устидан назоратни амалга ошириш мақсадида меҳнатни муҳофаза қилиш хизмати ташкил этилади ёки меҳнатни муҳофаза қилиш бўйича тегишли тайёргарликка эга бўлган мутахассис лавозими жорий этилади. Элликта

ва ундан ортиқ транспорт воситаси мавжуд бўлган таълим муассасаларида йўл ҳаракати хавфсизлиги хизмати ҳам ташкил этилади ёки йўл ҳаракати хавфсизлиги бўйича мутахассис лавозими жорий этилади.

Ходимларининг сони эллик нафардан кам бўлган таълим муассасаларида меҳнатни муҳофаза қилиш хизматини ташкил этиш ёки меҳнатни муҳофаза қилиш бўйича мутахассис лавозимини жорий этиш тўғрисидаги қарор иш берувчи томонидан мазкур таълим муассасаси фаолиятининг ўзига хос хусусияти ҳисобга олинган ҳолда қабул қилинади.”.

3. 8-банд қўйидаги таҳрирда баён этилсин:

“8. Меҳнатни муҳофаза қилиш хизмати ва йўл ҳаракати хавфсизлиги хизмати таълим муассасасининг мустақил таркибий бўлинмалари бўлиб, улар бевосита таълим муассасасининг раҳбарига бўйсунди.”.

4. 10-банд қўйидаги таҳрирда баён этилсин:

“10. Таълим муассасаларида меҳнат фаолияти билан боғлиқ равишда содир бўлган бахтсиз ҳодисалар ва бошқа жароҳатланишларни текшириш ва ҳисобини юритиш Ўзбекистон Республикаси Вазирлар Маҳкамасининг 1997 йил 6 июндаги 286-сон қарори билан тасдиқланган Ишлаб чиқаришдаги бахтсиз ҳодисаларни

ва ходимлар саломатлигининг меҳнат вазибаларини бажариш билан боғлиқ бошқа хил зарарланишини текшириш ва ҳисобга олиш тўғрисидаги **низомига** мувофиқ амалга оширилиши лозим.”.

5. 37-банд қўйидаги таҳрирда баён этилсин:

“37. Мажбурий тиббий кўриқдан ўтишдан ёки тиббий комиссияларнинг текширувлар натижасида берган тавсияларини бажаришдан бўйин товлаган ходимларни маъмурият ишдан четлаштириши шарт.”.

6. 41-банднинг учинчи хатбошисидаги “ҚМҚ 3.01.05-98 “Табиий ва сунъий ёритиш. Лойиҳалаштириш меъёрлари”га” деган сўзлар “ҚМҚ 2.01.05-19 “Табиий ва сунъий ёритиш”га” деган сўзлар билан алмаштирилсин.

7. 52-банддаги “ҚМҚ 2.09.04-98” деган сўзлар “ШНК 2.09.04-09” деган сўзлар билан алмаштирилсин.

8. 63-банддаги “Иситиш, шамоллатиш ва кондиционерлаш” деган сўз “Иситиш, вентиляция ва кондициялаш” деган сўз билан алмаштирилсин.

9. 70-банддаги “Биоларнинг ички сув қувури” деган сўзлар “Биолар ички водопроводи” деган сўзлар билан алмаштирилсин.

10. 75-банддаги “ҚМҚ 2.01.05-98” сўзлари “ҚМҚ 2.01.05-19” сўзлари билан алмаштирилсин.

11. 74-банддаги “давлат санитария назорати органлари” деган сўзлар “Ўзбекистон Республикаси Соғлиқни сақлаш вазирлиги ҳузуридаги Санитария-эпидемиологик осойишталик ва жамоат саломатлиги қўмитасининг ҳудудий бошқармалари ёки туман (шаҳар) бўлимлари” деган сўзлар билан алмаштирилсин.

12. 115-банд куйидаги таҳрирда баён этилсин:

“115. Таълим муассасаларида электр қурилмаларини ўрнатиш ва улардан фойдаланишда Ўзбекистон Республикаси Вазирлар Маҳкамасининг 2020 йил 11 ноябрдаги 712-сон қарори билан тасдиқланган Истеъмолчилар электр қурилмаларини техник эксплуатация қилиш қоидалари ҳамда Истеъмолчилар электр қурилмаларини эксплуатация қилишда хавфсизлик техникаси қоидалари ва мазкур Қоидалар талабларига риоя қилиниши керак.”.

13. 149-банддаги “давлат стандарти” сўзлари “миллий стандарт” сўзлари билан алмаштирилсин.